


越州张中舍寿乐堂

青山偃蹇如高人，常时不肯入官府。高人自与山有素，不待招邀满庭户。卧龙蟠屈半东州，万室鳞鳞枕其股。背之不见与无同，狐裘反衣无乃鲁(1)。张君眼力觑天奥，能遣荆棘化堂宇。持颐宴坐不出门，收揽奇秀得十五。才多事少厌闲寂。卧看云烟变风雨。笋如玉箸椹如簪，强饮且为山作主。不忧儿辈知此乐(2)，但恐造物怪多取。春浓睡足午窗明，想见新茶如泼乳。(1)《汉书·匡衡传》：杨兴说史高曰：“富贵在身，而列士不誉，是有狐白之裘而反衣之也。”(2)

《晋书·王羲之传》：尝谓羲之曰：“中年以来，伤于哀乐，与亲友别，辄作数日恶。”羲之曰：“年在桑榆，自然至此。顷正赖丝竹陶写，恒恐儿辈觉，损其欢乐之趣。”（苏轼道家诗之系列：游仙类。本文由柏升整理提供）


[下载本文pdf文件](/pdf/1643-越州张中舍寿乐堂.pdf)